

АВА - СУРТЫН ЭНЕРТЫШЫЖЕ

Семисола книгагудышто ава-влак-клан пӧлеклалтше «Ава - ешын, шочмо суртын энертышыже!» пайремым эртарышна. Тушко «Кугезе мланде» клубын участникше-влакым, пашан ветеранже-шамычым, СВО участник-влакын аваштым ўжынна.

Пайрем касыште еш илыш нерген мутланышна. Ава ешыште могай лийшаш? Ача икшывыже-влак-клан могай примерым ончыктышаш? Тидын нерген кажныже шке шонымашыжым каласен.

Тыгак ава-влак-клан возымо марла почеламут-влакым сылнын лудна, чонеш логалше муро-влакым муралтышна, конкурсым эртарышна, ача-ава нерген калыкмутым шарналтышна. Пайремыш толшо уна-влак-клан изирак пӧлеклым кучыктышна.

Ўстел йыр чумырген, икте-весе дене чоным почын мутланымаш кызытсе илышыште пагалымашым, поро кумылым ешара. Тек кажне ава пиалан лиеш.

Алевтина ОГУРЦОВА,
Семисола книгагудын вуйлатышыже

